

სსიპ კოლეჯი „მოდუსი“

პროფესიული#საგანმანათლებლო#პროგრამა#

თაბაშირ-მუყაოს კონსტრუქციების მონტაჟი

საკონტაქტო ინფორმაცია:

მისამართი: ქ. რუსთავი, შარტავას გამზ. N4

პროგრამის ხელმძღვანელი: თამაზ ღვინიაშვილი

რუსთავი
2019 წ.

1. პროფესიული საგანმანათლებლო პროგრამის ჩარჩო დოკუმენტის სახელწოდება, რომლის საფუძველზეც შექმნილია პროგრამა:
- მშენებლობის წარმოება - Construction Manufacturing

2. ჩარჩო დოკუმენტის სარეგისტრაციო ნომერი, რომლის საფუძველზეც შექმნილია პროგრამა: - 07320-3

3. მისანიჭებელი კვალიფიკაცია

- საბაზო პროფესიული კვალიფიკაცია კედლის დაფარვის სამუშაოებში / **Basic Vocational Qualification in Wall Covering Works**

განათლების საერთაშორისო კლასიფიკატორის (ISCED) მიხედვით მისანიჭებელი კვალიფიკაცია მიეკუთვნება დეტალურ სფეროს „მშენებლობა და სამოქალაქო ინჟინერია“, კოდი 0732, აღმწერი: „შეისწავლის საჯარო (საზოგადოებრივი), კომერციული, ინდუსტრიული და საცხოვრებელი სტრუქტურების (ასევე მათი აღჭურვის) მონტაჟის, აგებისა და ტექნიკური მომსახურების მეცნიერებას, ტექნოლოგიებსა და ტექნიკას/მეთოდებს.

4. საგანმანათლებლო პროგრამის მიზანი:

პროფესიული საგანმანათლებლო პროგრამის მიზანია, მშენებლობის სფეროსთვის უზრუნველყოს კონკურენტუნარიანი კადრების მომზადება კედლის დაფარვის სამუშაოების მიმართულებით, კერძოდ, თაბაშირ-მუყაოს კონსტრუქციების მონტაჟის კვალიფიციური სპეციალისტების მომზადება.

5. დაშვების წინაპირობა: საბაზო განათლება

6. კურსდამთავრებულთა დასაქმების სფერო და შესაძლებლობები:

„კედლის დაფარვის სამუშაოებში“ საბაზო პროფესიული კვალიფიკაციის მქონე პირი შეიძლება დასაქმდეს სამოქალაქო და სამრეწველო შენობა-ნაგებობების მშენებლობაზე ღია ან/და დახურულ სივრცესა და სიმაღლეზე. ის შეიძლება იყოს თვითდასაქმებული ან დასაქმდეს სხვადასხვა ტიპის სამშენებლო-სარემონტო და დიზაინერულ კომპანიებში, სახელმწიფო ან კერძო საწარმო-დაწესებულებაში, რომელთა საქმიანობა დაკავშირებული იქნება შენობა-ნაგებობის მშენებლობასა ან მის რეკონსტრუქცია-გადლიერებასთან. მას სამუშაოების შესრულება მოუწევს სხვადასხვა კლიმატის პირობებში. დასაქმების პოზიცია შესაძლებელია იყოს თაბაშირ-მუყაოს კონსტრუქციების (კედელი, ჭერი და სხვ.) მომწყობი;

- ეკონომიკური საქმიანობების სახეების ეროვნული კლასიფიკატორის კოდი: 43
- დასაქმების საერთაშორისო კლასიფიკატორის (ISCO) კოდი: 7123; 7131; 7125

საქართველოს ეროვნული კლასიფიკატორი ეკონომიკური საქმიანობის სახეები (2016 წ.) - სექცია F მშენებლობა, განყოფილება 43 - სპეციალიზებული სამშენებლო სამუშაოები

7. სტრუქტურა და მოდულები

- „მშენელობის წარმოების“ საბაზო კვალიფიკაციის პროგრამა კედლის დაფარვის სამუშაოების მიმართულებით, მოიცავს საერთო 7 ზოგად სავალდებულო მოდულს ჯამური 18 კრედიტის ოდენობით, 3 საერთო დარგობრივ მოდულს ჯამური 5 კრედიტის ოდენობით და თაბაშირ-მუყაოს კონსტრუქციების მონტაჟის კონცენტრაციის 5 სავალდებულო პროფესიულ/დარგობრივ მოდულს ჯამური 35 კრედიტის ოდენობით.
- კედლის დაფარვის სამუშაოებში საბაზო პროფესიული კვალიფიკაციის მინიჭებისათვის, „თაბაშირ-მუყაოს კონსტრუქციების მონტაჟის“ კონცენტრაციის გავლის შემთხვევაში პირმა უნდა დააგროვოს - **58** კრედიტი.
- მოდულის, „ქართული ენა A2“ გავლა სავალდებულოა მხოლოდ იმ პროფესიული სტუდენტებისთვის, რომლებმაც პროფესიულ საგანმანათლებლო პროგრამაზე სწავლის უფლება მოიპოვეს „პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის №152/ნ ბრძანებით დამტკიცებული დებულების მე-4 მუხლის მე-2 პუნქტით გათვალისწინებულ რუსულ, აზერბაიჯანულ ან სომხურ ენაზე ტესტირების გზით.
- აღნიშნული პირებისათვის პროფესიულ საგანმანათლებლო პროგრამაზე სწავლება იწყება ქართული ენის მოდულით. შესაბამისად, ასეთი პირებისათვის კრედიტთა ჯამური რაოდენობა იქნება **73** კრედიტი;

ზოგადი მოდულები		
№	მოდულის დასახელება	კრედიტი
1	0610003 ინფორმაციული წიგნიერება 1	3
2	0030104 ინტერპერსონალური კომუნიკაცია	3
3	0020103 რაოდენობრივი წიგნიერება	2
4	0110004 სამოქალაქო განათლება	2
5	0410003 მეწარმეობა 1	2
6	0230101 უცხოური ენა /ინგლისური ენა/	4
7	0111111 გარემოსდაცვითი საფუძვლები	2
ჯამი:		18

საერთო პროფესიული მოდულები		
№	მოდულის დასახელება	კრედიტი
1	0732002 გაცნობითი პრაქტიკა მშენებლობის წარმოებაში	1
2	0732003 მშენებლობის საფუძვლები	1
3	0732004 სამშენებლო ნახაზების კითხვა	3
ჯამი:		5

არჩევითი მიმართულება/კონცენტრაცია - თაბაშირ-მუყაოს კონსტრუქციების მონტაჟის სპეციალიზაციის მოდულები		
№	მოდულის დასახელება	კრედიტი
1	0732024 ტიხრების კონსტრუქციის მონტაჟი	6
2	0732022 კედლის კონსტრუქციის მონტაჟი	7
3	0732025 შეკიდული ჭერებისა და მანსარდის მონტაჟი	10
4	0732021 ასაწყობი იატაკის მონტაჟი	4
5	0732023 მრუდწირული კონსტრუქციების აგება	8
ჯამი:		35
კრედიტების რ-ბა ქართულენოვანი სტუდენტებისათვის სულ:		58
კრედიტების რ-ბა არაქართულენოვანი სტუდენტებისათვის სულ:		73

8. მისანიჭებელი კვალიფიკაციების შესაბამისი სწავლის შედეგები:

- **სწავლის შედეგები არჩევითი მიმართულებისთვის/კონცენტრაციისთვის - თაბაშირ-მუყაოს კონსტრუქციების მონტაჟი.**

კურსდამთავრებულს შეუძლია:

1. შეასრულოს თაბაშირ-მუყაოს კონსტრუქციების სამონტაჟო სამუშაოები;
2. განახორციელოს კარკასზე, კონსტრუქციაზე ფილების დამონტაჟება;
3. შეასრულოს შეკიდული ჭერებისა და მანსარდის სამონტაჟო სამუშაოები უსაფრთხოების ნორმების დაცვით;
4. შეასრულოს ასაწყობი იატაკის სამონტაჟო სამუშაოები;
5. ააგოს მრუდწირული კონსტრუქციები.

9. პროფესიული საგანმანათლებლო პროგრამის შემუშავება

პროფესიული საგანმანათლებლო პროგრამა შემუშავებულია საბაზო კვალიფიკაციის მისაღებად და სრულად მოიცავს სავალდებულო ზოგად, საერთო პროფესიულ და არჩევითი კონცენტრაციის მოდულებს (თაბაშირ-მუყაოს კონსტრუქციების მონტაჟის)

10. სწავლის შედეგების მიღწევის დადასტურება და კრედიტის მინიჭება

კრედიტი მიენიჭება სწავლის შედეგის მიღწევის დადასტურების საფუძველზე.

სწავლის შედეგის მიღწევის დადასტურება შესაძლებელია:

ა) წინმსწრები ფორმალური განათლების ფარგლებში მიღწეული სწავლის შედეგების აღიარებით;

ბ) არაფორმალური განათლების გზით მიღწეული სწავლის შედეგების აღიარება განათლების და მეცნიერების მინისტრის მიერ დადგენილი წესით;

გ) სწავლის შედეგების დადასტურება შეფასების გზით.

არსებობს განმავითარებელი და განმსაზღვრელი შეფასება.

განმავითარებელი შეფასება შესაძლოა განხორციელდეს როგორც ქულების, ასევე ჩათვლის პრინციპების გამოყენებით.

განმსაზღვრელი შეფასება ითვალისწინებს მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:

ა) სწავლის შედეგი დადასტურდა;

ბ) სწავლის შედეგი ვერ დადასტურდა.

განმსაზღვრელი შეფასებისას უარყოფითი შედეგის მიღების შემთხვევაში პროფესიულ სტუდენტს უფლება აქვს პროგრამის დასრულებამდე მოითხოვოს სწავლის შედეგების მიღწევის დამატებითი შეფასება. შეფასების მეთოდი/მეთოდები რეკომენდაციის სახით მოცემულია მოდულებში, ხოლო დამატებითი შეფასების განხორციელების პირობები განისაზღვრება დაწესებულების შიდა მარეგულირებელი დოკუმენტით

პროგრამა მოდულების, სწავლის შედეგებისა და თემატიკის კომპონენტებში ითვალისწინებს რვა საკვანძო კომპეტენციის განვითარებას (*მშობლიურ ენაზე კომუნიკაცია; უცხო ენაზე კომუნიკაცია; მათემატიკური კომპეტენცია; ციფრული კომპეტენცია; დამოუკიდებლად სწავლის უნარი; პიროვნებათშორისი, კულტურათაშორისი, სოციალური და მოქალაქეობრივი კომპეტენციები; მეწარმეობა და კულტურული გამომხატველობა*), რომლებიც მნიშვნელოვანია პროფესიონალი და კონკურენტუნარიანი კადრის აღზრდისთვის. რვა საკვანძო კომპეტენციიდან ერთ-ერთი - მშობლიური/პროფესიული საგანმანათლებლო პროგრამის სწავლების ძირითადი ენის განვითარების მიზნით, თითოეული პროფესიული განათლების მასწავლებლის მიერ სწავლება-სწავლის პროცესში უნდა შეფასდეს ზეპირი და წერილობითი კომუნიკაციის უნარი, კერძოდ, მართლწერისა და მართლმეტყველების წესების დაცვა შემდეგი კომპეტენციების ფარგლების გათვალისწინებით

მართლმეტყველება

- საუბრის/პრეზენტაციის დროის ლიმიტის დაცვა;
- სათანადო პროფესიული ლექსიკის გამოყენება;
- მოსაზრების ჩამოყალიბება გასაგებად, ნათლად და თანამიმდევრულად;
- ადეკვატური მაგალითებისა და არგუმენტების მოყვანა;
- ზეპირი მსჯელობისთვის დამახასიათებელი არავერბალური საშუალებების ადეკვატურად გამოყენება (მაგ., ქესტიკულაცია, ინტერვალი საუბარში, ხმის ტემბრის ცვალებადობა).

მართლწერა

- საკავშირებელი სიტყვების სწორად გამოყენება;
- ძირითადი სასვენი ნიშნების (წერტილი, კითხვისა და ძახილის ნიშნები) სწორად გამოყენება;
- პროფესიული ლექსიკის სათანადოდ გამოყენება;
- წერისას ტიპობრივი სტილისტური ხარვეზების აღმოფხვრა;
- არ უნდა იქნეს გამოყენებული ენისთვის არაბუნებრივი შესიტყვებები და ლექსიკა - ბარბარიზმები, ჟარგონები;
- ინფორმაციის გადმოცემა თანამიმდევრულად, გასაგებად, შესასრულებელი აქტივობის შესაბამისად.

11. პროფესიული კვალიფიკაციის მინიჭება

პროფესიული კვალიფიკაციის მოსაპოვებლად პროფესიულმა სტუდენტმა უნდა დააგროვოს პროფესიულ საგანმანათლებლო პროგრამაში სავალდებულო ზოგადი, საერთო დარგობრივი და არჩევითი სავალდებულო პროფესიული მოდულებით გათვალისწინებული კრედიტები.

12. სპეციალური საგანმანათლებლო საჭიროების (სსსმ) და შეზღუდული შესაძლებლობების მქონე (შშმ) პროფესიული სტუდენტების სწავლება

შეზღუდული შესაძლებლობისა და სპეციალური საგანმანათლებლო საჭიროების მქონე პირთა პროფესიულ საგანმანათლებლო პროგრამაში ჩართულობის უზრუნველყოფის მიზნით, ასეთი პირები მოდულებზე დაიშვებიან მოდულის წინაპირობის/წინაპირობების დამლევის გარეშე.

პროფესიული საგანმანათლებლო პროგრამით განსაზღვრული კრედიტები პირს ენიჭება მხოლოდ შესაბამისი სწავლის შედეგების დადასტურების შემთხვევაში, ხოლო კვალიფიკაცია - მე-11 პუნქტით გათვალისწინებული წესით.

13. პროგრამის შემუშავების სამართლებრივი საფუძვლები:

1. პროფესიული საგანმანათლებლო პროგრამის ჩარჩო დოკუმენტი (პროფესიული საგანმანათლებლო სტანდარტი), 2019 წლის 31 იანვარი N 85/ი

14. პარტნიორი ორგანიზაციების სია:

1. შპს „404“
2. შპს „ჯი ბი ჯი“
3. ააიპ „რუსთავის ბაგა-ბაღების გაერთიანება“

დანართები:

- დანართი №1 - საგანმანათლებლო პროგრამის სასწავლო გეგმა
- დანართი №2 - სასწავლო გარემოს აღჭურვილობა
- დანართი №3 - პროგრამის განმახორციელებელი პერსონალი
- დანართი №4 - 0110001, „ქართული ენა A 2“
- დანართი №5 - სასწავლო გეგმა, ქართული ენა;
- დანართი №6 - 0610003, ინფორმაციული წიგნიერება 1;
- დანართი №7 - 0230101, უცხოური ენა (ინგლისური ენა);
- დანართი №8 - 0410003, მეწარმეობა 1;
- დანართი №9 - 0020103, რაოდენობრივი წიგნიერება;
- დანართი №10 - 0030104, ინტერპერსონალური კომუნიკაცია;
- დანართი №11 - 0110004, სამოქალაქო განათლება;
- დანართი №12 - 0111111 გარემოსდაცვითი საფუძვლები;
- დანართი №13 – 0732002 გაცნობითი პრაქტიკა მშენებლობის წარმოებაში;
- დანართი №14 - 0732003 მშენებლობის საფუძვლები;
- დანართი №15 - 0732004 სამშენებლო ნახაზების კითხვა;
- დანართი №16 - 0732024 ტიხრების კონსტრუქციის მონტაჟი;
- დანართი №17 - 0732022 კედლის კონსტრუქციის მონტაჟი;
- დანართი №18 – 0732025 შეკიდული ჭერებისა და მანსარდის მონტაჟი;
- დანართი №19 – 0732021 ასაწყობი იატაკის მონტაჟი;
- დანართი №20 – 0732023 მრუდწირული კონსტრუქციების აგება.